



UKA 2018/149

16. oktober 2018

Bentiaraq Ottosen

Kingusinnerpaamik UKA2019-imi inuussutissarsiornermik siuarsaanermik aaqqissuussinerit maanna ingerlasut nalilersorneqarnerannik Naalakkersuisut saqqummiussinissaat pillugu Inatsisartunutaalajangiiffigisassatut siunnersuut. Nalilersuinerimi aaqqissuussinerit maannaingerlasut suliffeqarfinnik suliaqarfinnillu nutaanik qanoq annertutigisumik siuarsaaneraqulaajaavigineqassaaq. Nalilersuinermilu namminersorlutik inuussutissarsiortunut manna sinaakktissatut atugassarititat ilanngunneqassapput, maannalu aaqqissuussinernut kiisalu manna tikillugmisilittagaareersut tunuliaqutaralugit sinaakktissanut aaqqiissutaasinnaasunillupitsanngorsaatinillu siunnersuusiortoqarluni. Nalilersuinermik suliaqarnermi namminersorlutik inuussutissarsiortut qanimut suleqatigineqarnissaannik Naalakkersuisut kaammattorneqarput.

(Inatsisartuni ilaasortaq Múte Bourup Egede, Inuit Ataqtigiiit)

Siullermik siunnersuuteqartoq Múte Bourup Egede, Inuit Ataqtigiiit saqqummiussaanut qujavugut.

Nunatsinni inuussutissarsiuteqartut siuarsarneqarnissaanut aaqqissuussinerit ingerlasut nalilersoqqullugit Naalakkersuit saqqummiusseqqullugit UKA 2019-mut aaliangiiffigisassatut siunnersuut.

Nunatsinni inuussutissarsiorneq tassaasaaq imminut napatinnermik siunertaqartoq, aalisarnerup saniatigut nunami imaanilu suliffissanik pilersuiuarnissaa Atassummiit anguniartuarpaput. Ukiuni kingullerni aalisarneq imartatsinni pitsanngoriartuinnarnera iluarisimaarpaput sulili siuarsartuarnissaanik siunnerfeqarnerput attattuassallutigu.

Inuussutissarsiorneq qitiusumiit aqunneqassanngilaq, inuussutissarsiortut qanimut oqaloqatigalugit inuiaqatigiinni inuussutissarsiornikkut soqutigisat aallaavigalugit qitiusumiit tapersorsorneqartarnissaat Atassummiit isumaqarpugut pingaaruteqartoq. Politikkikkut sinaakkusersuisariaqarpugut, tassami nunarsuarmioqatitsinnut malinnaasagutta siunissaq ungasinnerusoq qiviartariaqarpaput niuernikkullu nunatsinni pitsanngorsaajuartariaqarluta.

Inuussutissarsiuteqarnikkut siuarsaanermi nassuiaasoqarnissaa pisariaqanngitsutut isigaarpaput, qitiusumiit aqutsineq qimattariaqaratsigu. Kisianni inuussutissarsiuteqartut nukimmik naleqquttumillu pajuttariaqarpagut politikkikkut sinaakkusersuinitisigut, tassaniimmammi soqutigisat aallaavigalugit avitseqateqarneq. Atassummiit pingaartittuarsimavarput inuiaqatigiinni toqqiissimasumik inissisimatitsinissarpaput, kisiannili ukiuni kingullerni apeqqusertarsimallutigu ullumikkut killiffitsinnik sinaakkusersuisimaneq amerlasuutigut tulluuntuungitsog takusinnaagatsigu.

Siunnersuuteqartup anguniagaa isumaqarpunga piviusorsiornerusariaqartoq, nassuiaasiuinnarani timitaliinissamat siunertaqartariaqartoq. Nunatsinni anguniartuarsimasarpaput eqqarsaatigalugu



imminut pilersornissaq inuussutissarsiuteqatut akornanni salliuttariaqarparput, tassami ukiorpassuannngortuni killiffik taana tikinngitsiartarsimavarput. Taamaattumik sukannernerusumik iliuseqarnissarput pingaaruteqaqaaq, qitiusumiit nassuiaaginnarani inuussutissarsiortut tikillugit oqaloqatiginninnissaq.

Taamatut oqaaseqareerluta, una siunnersuut itigartinneqarnissaa innersuupparput.